

**PRAVILNIK
O DOPUNI PRAVILNIKA O USLOVIMA I NAČINU
OSTVARIVANJA PRAVA NA DODJELU SREDSTAVA
ZA MOBILNOST MLADIH OPĆINE NOVO SARAJEVO**

Član 1.

(Predmet)

U Pravilniku o uslovima i načinu ostvarivanja prava na dodjelu sredstava za mobilnost mladih Općine Novo Sarajevo ("Službene novine Kantona Sarajevo", broj 18/22), u članu 9. dodaje se novi stav (5) koji glasi:

(5) Aplikant zahtjev za dodjelu sredstava, može podnijeti samo jednom u toku jedne kalendarske godine.

Ostale odredbe Pravilnika ostaju nepromijenjene.

Član 2.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 16-11-3-1661/24

19. februara 2024. godine

Sarajevo

Općinski načelnik

Dr. Hasan Tanović, s. r.

OPĆINA TRNOVO

Općinski načelnik

Na osnovu člana 38. Statuta općine Trnovo ("Službene novine Kantona Sarajevo", broj 12/08), člana 5. Odluke o novčanim podsticajima u poljoprivredi na području općine Trnovo ("Službene novine Kantona Sarajevo", br. 32/22 i 43/23), općinski načelnik donosi

ODLUKU

**O IZNOSIMA NOVČANIH PODSTICAJA, MINIMALNIM
USLOVIMA ZA POČETAK PROIZVODNJE,
MINIMALNIM USLOVIMA ZA INVESTIRANJE I
ROKOVIMA PODNOŠENJA ZAHTJEVA ZA MODEL
PODSTICANJA PRIZIVODNJI ZA ANIMALNU
PROIZVODNJU**

Član 1.

Ovom odlukom uređuju se iznosi novčanih podsticaja i uslovi za ostvarivanje prava na podsticaj po modelu podsticanja proizvodnji za biljnu proizvodnju.

Član 2.

U okviru animalne proizvodnje podstiče se:

- farma goveda;
- farma ovaca
- farma koza;
- farma za tov piladi;
- podsticanje kroz nabavku koka nosilja;
- pčelinjak

Član 3.

Iznosi kojim će se podsticati kulture navedene u članu 2. ove Odluke utvrđuje se kako slijedi:

a) U okviru farma goveda utvrđuju se uslovi i iznosi, kako slijedi:

Uslov	Iznos podsticaja za neregistrovane kandidate	Iznos podsticaja za registrovane kandidate
Minimalno 2 grla, Maksimalno 20 grla za neregistrovane. Maksimalno 60 grla za registrovane.	85,00 KM	95,00 KM

b) U okviru farma ovaca utvrđuju se uslovi i iznosi, kako slijedi:

Uslov	Iznos podsticaja za neregistrovane kandidate	Iznos podsticaja za registrovane kandidate
Minimalno 30 grla, Maksimalno 150 grla za neregistrovane, Maksimalno 500 grla za registrovane.	12,00 KM	16,00 KM

c) U okviru farma koza utvrđuju se uslovi i iznosi, kako slijedi:

Uslov	Iznos podsticaja za neregistrovane kandidate	Iznos podsticaja za registrovane kandidate
Minimalno 30 grla, Maksimalno 150 grla za neregistrovane, Maksimalno 500 grla za registrovane.	0,00 KM	0,00 KM

d) U okviru farma za tov piladi utvrđuju se uslovi i iznosi, kako slijedi:

Uslov
Minimalno 3000 tovnih pilića

Iznos podsticaja za farmu za tov piladi utvrđuje se u obliku jednokratnih novčanih iznosa koji će biti u iznosu od 3.500,00 KM o čemu će se donijeti posebna odluka nakon provedenog javnog poziva a na preporuku Komisije.

e) U okviru podsticanje kroz nabavku koka nosilja za 2024.

nije planirano provođenje javnog poziva.

f) U okviru pčelinjaka utvrđuju se uslovi i iznosi, kako slijedi:

Uslov	Iznos podsticaja za neregistrovane kandidate	Iznos podsticaja za registrovane kandidate
Minimalno 10 košnica Maksimalno 200 košnica	20,00 KM	26,00 KM

Član 4.

Ovlašćuje se Služba za privredu i finansije da pripremi i provede javni poziv za model podsticanja animalnoj proizvodnji na način propisan Pravilnikom o uslovima i načinima za ostvarivanje prava na novčani podsticaj. ("Službene novine Kantona Sarajevo", broj 43/23).

Član 5.

U slučaju da nakon utvrđenog činjeničnog stanja iznosi podsticaja budu znatno veći od osiguranih sredstava, donijet će se posebna odluka kojom će se korigovati iznosi podsticaja predviđeni ovom Odlukom, a u cilju poštivanja osiguranih sredstava u Budžetu za tekuću godinu.

Član 6.

Ova Odluka stupa na snagu objavom na oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 02-04-726/24

19. februara 2024. godine

Trnovo

Općinski načelnik

Ibro Berilo, s. r.

Na osnovu člana 38. Statuta općine Trnovo ("Službene novine Kantona Sarajevo", broj 12/08) i člana 5. Odluke o novčanim podsticajima u poljoprivredi na području općine Trnovo ("Službene novine Kantona Sarajevo", br. 32/22 i 43/23), Općinski načelnik donosi

**ODLUKU
O IZNOSIMA NOVČANIH PODSTICAJA, MINIMALNIM
USLOVIMA ZA POČETAK PROIZVODNJE,
MINIMALNIM USLOVIMA ZA INVESTIRANJE I
ROKOVIMA PODNOŠENJA ZAHTJEVA ZA MODEL
PODSTICANJA PROIZVODNJI ZA BILJNU
PROIZVODNJU**

Član 1.

Ovom odlukom uređuju se iznosi novčanih podsticaja i uslovi za ostvarivanje prava na podsticaj po modelu podsticanja proizvodnji za biljnu proizvodnju.

Član 2.

U okviru podsticanja biljne proizvodnje podstiče se:

- a) U okviru ratarske proizvodnje:
- zasijane površine merkantilnim žitaricama (kukuruz, pšenica, ječam, zob, raž i triticale);
 - zasijane površine heljdom;
 - zasijane površine ljekovitim biljem (neven, kamilica i nana).
- b) U okviru povrtlarske proizvodnje:
- zasijane površine merkantilnim krompirom;
 - zasijane površine graham;
 - zasijane površine lukom.
- c) U okviru voćarske proizvodnje:
- zasnivanje novih zasada krošnjastog i jagodičastog voća;
 - održavanje zasada krošnjastog i jagodičastog voća (nakon zasnivanja od prve do pete godine po zasnivanju);

Član 3.

Iznosi kojim će se podsticati kulture navedene u članu 2. Odluke, utvrđuju se kako slijedi:

a) U okviru ratarske proizvodnje podstiče se:

- Zasijane površine merkantilnim žitaricama:

Minimalne površine	Maksimalne površine
0,5ha	2,0 ha za registrovane kandidate i 1,0 ha za neregistrovane kandidate.

- Zasijane površine heljdom

Minimalne površine	Maksimalne površine
0,5ha	2,0 ha za registrovane kandidate i 1,0 ha za neregistrovane kandidate.

- Zasijane površine ljekovitim biljem (neven, kamilica i nana):

Minimalne površine	Maksimalne površine
0,3 ha	2,0 ha za registrovane korisnike i 1,0 ha za neregistrovane kandidate.

Iznos podsticaja za ratarsku proizvodnju utvrđuje se u obliku jednokratnih novčanih iznosa koji će biti u rasponu od 100,00 do 500,00 KM o čemu će se donijeti posebna odluka nakon provedenog javnog poziva a na preporuku Komisije.

b) U okviru povrtlarske proizvodnje podstiče se:

- Zasijane površine merkantilnim krompirom:

Minimalne površine	Maksimalne površine	Iznos podsticaja za neregistrovane kandidate po hektaru	Iznos podsticaja za registrovane kandidate po hektaru
0,3 ha	1,0 ha za neregistrovane i 2,0 ha za registrovane kandidate.	1.700,00KM	1.900,00 KM

- Zasijane površine graham:

Minimalne površine	Maksimalne površine	Iznos podsticaja za neregistrovane	Iznos podsticaja za registrovane

		kandidate po hektaru	kandidate po hektaru
0,3 ha	0,7 ha za neregistrovane i 1,0 ha za registrovane kandidate.	2.200,00 KM	2.500,00 KM

- Zasijane površine lukom.

Minimalne površine	Maksimalne površine	Iznos podsticaja za neregistrovane kandidate po hektaru	Iznos podsticaja za registrovane kandidate po hektaru
0,3 ha	1,0 ha za neregistrovane i 2,0 ha za registrovane kandidate	2.200,00 KM	2.500,00 KM

c) U okviru voćarske proizvodnje podstiče se:

- Zasnivanje novih zasada krošnjastog i jagodičastog voća:

Minimalne površine	Maksimalne površine	Iznos podsticaja za neregistrovane kandidate po hektaru	Iznos podsticaja za registrovane kandidate po hektaru
0,1 ha	0,5 ha	3.000,00 KM	4.000,00 KM

- Održavanje zasada krošnjastog i jagodičastog voća (nakon zasnivanja od prve do pete godine po zasnivanju):

Minimalne površine	Maksimalne površine
0,1 ha	0,5 ha

Iznos podsticaja za održavanje zasada krošnjastog i jagodičastog voća (nakon zasnivanja od prve do pete godine po zasnivanju) utvrđuje se u obliku jednokratnih novčanih iznosa koji će biti u rasponu od 100,00 do 500,00 KM o čemu će se donijeti posebna odluka nakon provedenog javnog poziva a na preporuku Komisije.

Član 4.

Ovlašćuje se Služba za privredu i finansije da pripremi i provede javni poziv za model podsticanja biljnoj proizvodnji na način propisan Pravilnikom o uslovima i načinima za ostvarivanje prava na novčani podsticaj. ("Službene novine Kantona Sarajevo", broj 43/23).

Član 5.

U slučaju da nakon utvrđenog činjeničnog stanja iznosi podsticaja budu znatno veći od osiguranih sredstava, donijet će se posebna odluka kojom će se korigovati iznosi podsticaja predviđeni ovom Odlukom, a u cilju poštivanja osiguranih sredstava u Budžetu za tekuću godinu.

Član 6.

Ova Odluka stupa na snagu objavom na Oglasnoj ploči općine Trnovo, a naknadno će se objaviti u "Službenim novinama Kantona Sarajevo".

Broj 02-04-727/24
19. februara 2024. godine
Trnovo

Općinski načelnik
Ibro Berilo, s. r.

**SLUŽBA ZA PROTOKOL I PRESS KANTONA
SARAJEVO**

Na osnovu člana 38. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19 i 40/22) i člana 112. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), šef Službe za protokol i press Kantona Sarajevo, uz pribavljeno mišljenje Ministarstva finansija i sindikata, donosi